

達士顧英玉先生璞上元人也仕至副使卽歸隱白下或謂其致仕太早何以退養清廉曰若使宦囊有物正非所以養清廉也坐卧一小樓匾曰寒松嘗訓蒙以自給霍渭崖宗伯欲以廢寺田百畝資之拒不納其固窮若此

朱君佐

達士朱君佐先生諫温州樂清人也仕至副使卽謝政歸結廬雁蕩山翛然有塵外之致或有勸其出山者曰豈以五斗易我五珍五珍謂龍湫茶奇音竹金星草山藥官香魚也五者皆雁山所產

徐先生

道藏輯要

三丰全集

隱鑑

完

續集卷七

達士徐先生昌閩之崇安人也潛心理學以明經訓導莆田親喪回籍服闋不起或勸之再仕昌泣曰吾爲升斗祿藁養親也今親不逮養奚任爲遂築室武夷山中深藏不出

來矣鮮

達士來瞿塘先生知德字矣鮮蜀之梁山人也幼有至行嘉靖時舉於鄉歸養不出其學以致知爲本敦倫爲要有司疏薦授翰林院待詔不赴生平著述甚宏惟易注獨殫心力先讀易於釜山草堂六年不能窺其門逕乃遠客萬縣瞿塘深山之中沈潛反覆忘食忘寢久之豁然有悟積二十九年而後成書以後觀天地察造化與物無觸悠然自得而已